



## ԿոՄիտաս

Մարինոս Ստամպոլյանին 1912, 15/28 հոկտեմբերի,  
Կ. Պոլիս

Շնորհալի աշակերտուհի  
Օրհորդ Մարինոս Ստամպոլեանին.

Ողջոյն Ձեր նոր կեանքին:

Անվեհեր յառաջ համեստօրէն՝ իբր շուշան հովտաց, ազնուօրէն՝ իբր վարդ  
բուրաստաններու եւ փայլակն՝ իբր գտուած ոսկի:

Ողջոյն Ձեր նոր կեանքին:

Ձեր յոյսերը բեղուն՝ որպէս գարուն,

Ձեր ջանքերը վառ՝ որպէս ամառ,

Ձեր գործերը զեղուն՝ որպէս աշուն,

ապա, հանգիստ լեր՝ որպէս ձմեռ,

որ նոր գարնան դուռ կը բանայ:

Ողջոյն Ձեր նոր կեանքին:

Կոմիտաս